

NEUIT ED MAGG

Testo di PIERO MONTANARO

Musica di REMIGIO PASSARINO

1. E peui quandi la neuit
a cala giù dal verd dij brich,
pais, mè bel pais
ij tò color a ven-o gris.

Papà dame la man
e pòrt-me ‘n pòch a spass con ti
e peui cont-me na stòria
come ‘t contava la nòna a ti.
E peui cont-me na stòria
come ‘t contava la nòna a ti.

2. Sta a sente, canto le ran-e
na canson veja ‘nt ij fossà
e peui varda là ‘n bass
quanti lumin, che bela pass...

Ant el cel sponta la lun-a
e tante stèile ven-o dapress.
Un son ed ciòche stanche
son-a ‘l Rosari del mèis ed magg.
Strens-me pì fòrt ancora
con la toa la mia man.

3. L’ é scur, ‘vèj nen paura
pì fòrt ancora strens mia man !
Veui fete la nina nana
come a fasìa la nòna a mi.
Veui fete la nina nana
come a fasìa la nòna a mi.